



歸葉山房叢鈔

九十六

4 曾
895
96

九十六





Faint, illegible text visible through the paper from the reverse side, appearing as bleed-through within a rectangular border.

玉餘尺牘附編

武進莊士敏仲求甫彙

卷四 秋節

李中堂

宮太保中堂爵前敬肅者南州秋迴奉蕪簡而切心

儀

北斗星高贊

綸扉而敷首善當萬寶告成之日正

三能衍瑞之時伏承

名冠凌烟

勛隆調鼎依

玉宇瓊樓而近

雲漢昭回迓



珠衡璿夢之輝蓬萊清淺翹簷

霜節罔馨露書某十度觀湖未能建樹四郊省稼
幸獲有秋緬維

碣石通津

畿門重寄得

溫公而坐鎮萬景澄清倚

君陳而保釐千屯整肅輒乘令序敬展頌忱恭叩

鈞祺祗請

秋禧統希

賜答

吏部尙書寶

宮保佩蘅先生閣下前修寸簡奉賀

午釐知已上塵

籤掌比屆秋澄萬景欣覘

雲淨三台伏承

景福便蕃

殊恩稠疊仰

台曜扶桑捧

日同心夾輔

一人湖

使星浙海觀潮彈指將周廿載

勛猷光溥下慰蒼生某濫領越畧又更麟度撫駒

陰而暢厲愿鱗藉之告豐遙覘

僕射雅懷今夕止譚風月早識

山公啟事

中朝倚重股肱苑結之忱寫藏靡既專肅恭賀

秋祺祇請

台安統維

澄管不備

戶部尚書董

蘊卿仁兄先生閣下前塵無啟貢賀

午祺知已早登

澄管比屆告成萬寶欣覘

瑞集三能伏承

筦領大農

懷柔屬國

煖土字版章之舊萬里澄清

判度支鹽鐵之繁一心篤棊

綸扉晉秩藻簡傾誠弟承乏越中迂疏寡效南中晴多

雨少江浙皆同惟盼渥霑甘露庶幾豐收可望

稍掩庸愚則胡蜡飲有秋貢筐篚於

太府適屆賓興之會導軌範於

司徒遙企

清輝寫藏靡既肅緘恭賀

秋祺祇請

台安諸維

亮管

順天府府尹彭

五傳片牘附錄卷四
三
苟庭仁兄大人閣下披奉

瑤函猥承

珠飾盥薇莊誦祇益悚慚敬維

響洽傾風

政成勉日

雋不疑之尹京兆化協

璣衡

包孝肅之治開封塵清

輦轂行見

韋平繼武宏濟蒼生也頌甚禱甚弟忝領大圻迂

疏滋忤南中晴多雨少江潮皆同惟盼渥沛甘

霖庶幾秋成可望聞

都中近得透雨祥和感召

風教日新郡國權輿都歸

首善矣肅布敬請

台安並賀

秋禱統維

澄管不戢

翰林院侍讀寶

竹坡仁兄大人閣下春間展奉

途次惠緘當卽肅緘布答諒已早登

籤記昨復奉到

瑤札尤感

注存敬維

勛福麗鴻還

朝播績

覈金馬石渠之製

頌不忘規

詠瓊樓玉宇之辭婉而多諷

帝心簡畀輸頌為勞弟建樹未遑隙駒虛擲幸秋成尙

稱中稔轄量壹是綏安藉掩迂疏差紆

厘念耳專泐寸啟復賀

秋祺祗請

台安統維

澄簪

翰林院編修汪

柳門仁兄大人閣下月前奉到

惠緘過承

瑑飾迴環雜誦恍挹

光儀就藩

清望蔚然還

朝播美

炳太乙青藜之炬獻頌寓規

詠瓊樓玉宇之辭因文見道即膺

簡擢曷既綦揄弟承乏

珂鄉媿無寸報轄內諸稱安帖秋成掬獲豐登辰

下籌備海防百端屬集自維疏拙勉殫所能

閣下桑梓關懷幸有以匡其不逮至禱至禱復請

開安順頌

秋祺唯

照不宣

兼署閩浙總督文

星崖先生將軍執事幸同蘭幟悵隔

芝型當西陸之延祥景

中台之發采敬維

冲襟貫月

偉節凌雲萬里清塵

籌海息鯨波之擲十州澄鏡拱

宸傳

鳳綽之聲遙企

光猷曷勝儻頌某越符忝縮桂序欣逢虛擲駒陰

徒慙貍素猶幸

圓靈不隔分耀西泠

區畫所周彌綸南海因時致頌涸湖為勞崱肅寸

緘敬賀

秋祺祇請

台安統維

澄管不宣

兩湖總督李

筱帥大人閣下月前肅緘陳謝諒已早達

籤曹茲當萬寶告成遙企

三能衍瑞伏承

形盧哀旅

江漢澄波

陶士行都督八州蘊海岳河庭之氣
庾元規傾譚一座搜荆巖湘浦之奇

侍福豐隆

宸俞優渥

國恩家慶炳耀癡衰某久領越圻謹循

蕭轍指圓雲而寄簡不隔千山隨恭佐以觀潮已

逾五稔景懷

築範江水同深崙肅寸緘敬叩

台綏祗賀

秋祺統維

賜答

四川總督兼署將軍吳

仲帥大人閣下沃野千里西成紀

璘玠之助岷江上流東注沛荆揚之澤適乘令序

敬展私忱伏承

績炳圓靈

名高方鎮滄江濯錦

軍諮儲赤岸之需

宸陞宣麻

使相奠黃圖之固

綜三能而朗耀兵洗銀潢

兼二事以綏猷冊藏

璇室引詹

霜節罔馨露書 某從宦十年觀潮八月擬杜甫隨
槎之詠願上

鄭公循叔庠說餅之文未逢程季崙肅蕪啟恭賀
節釐祇請

台安統希

賜答

雲貴總督劉

靖臣制府尊兄大人閣下滇池萬里

首麟樹以圖輝銀漢九霄睇蟾宮之渥采遠懷

風範輒貢星郵敬維

智朗幾先

謨陳善後

鈴符太白澄秋水於蘭滄

騎駛中黃挽星河於蒙舍既喜南人不反更看西

爨來歸

帝眷元臣邊陲清謐

聲威震疊殊域嚮風矣 弟 四載越量滋慚翫悒觀

潮江上亟求捍海之謀省稼郊原冀獲滌場之

慶每聽砧杵念

部曲以云勞縱阻關河幸圓靈之同望崑修寸啟

敬請

台安並賀

秋祺統維

澄簪

廣州將軍長

樂初尊兄將軍閣下夙欽

偉略晤

教末由心寫心藏匪伊朝夕昨奉

惠翰乃辱

先施荷

獎借之逾恆彌省循而自慙前者

瀛眷道經浙水營弁護送理所宜然猥承

齒存祇增悚歎伏承

傳型播績

執渠匡時

聞消息於越裳攬圓嶠方壺之勝迓

恩榮於燕翼饒碧梧翠竹之奇光輔

帝猷式孚遠頌弟猥以迂疏忝膺曷寄黽皇四載建白

毫無幸轄境一律勃安三農可期中稔藉堪奉

慰

蓋懷耳 世兄崢嶸頭角舉止安詳轉胸振翮九

霄定見雙莖齊擢

韋平世德振興未有艾也羨賀羨賀端肅寸啟敬

叩

台安序入秋中並賀

節禧統維

澄簪不戩

漕運總督文

質甫仁兄大人閣下前謠

騶從覲

光北行周道委迤遂致久稽音敬比想

旋轅多福

執矩乘時當

華蓋之南臨正涼飈之西發

來從

天上知瓊樓玉宇之高

光滿寰中

鑑瓠子宣房之美益隆

帝眷用貺輿謳弟幸託輔車同輪枯槁程觀潮龕楮愿聞

捍海之方省稼村郊竊效滿篝之祝江淮千里

不隔圓靈鄭白二渠久資

利導其為儂頌當復何如肅緘敬賀

秋祺並請

助安不宣

江西學政侍讀李

若農仁兄大人閣下秋風容易又迎江上之潮舊雨

暎違遙企

雲間之鶴伏承

馳軺按部

染翰頌型

青藜然太乙之輝

使星益部

紫極紀

長庚之瑞明月前身

誦南華秋水之篇

繪金粟如來之影

宗工提倡逸興遄飛弟

嗣隙又度蟾圓龕楮濤來媿乏枚生之筆鳳蛟

光起莫陪

滕閣之筵端肅寸啟馳賀

秋祺敬請

台安統維

澄管不宣

西征糧台侍講學士袁

筱塢仁兄大人閣下葭思正切桂序欣逢當

授衣赤岸之先見

彌節白檀之盛敬維

策勛函夏

秉略輝秋涓水貫於天門

槎乘博望井宿迴於地軸

綬繼元戎

雲漢昭回

賡玉宇瓊樓之句

蓬萊清淺

傳彤弓茲矢之輝不迓

恩綸式孚頌簡弟 忝領越州媿無報塞試聽礎聲遙續

未隔

清暉還所

柯則頻遺不忘遠道尚修寸啟馳賀

時釐敬請

勛安統維

澄管不宣

福建巡撫王

補帆仁兄大人閣下鱗原近接鯉訊頻傳方別緒之

縈懷俄清商之應律翹欽

風範輒附星郵敬維

冲襟襲习

勝賞延秋

譜瓊樓玉宇之詞神馳

魏闕拜翠盃銀罌之

錫瑞紀滄溟引企

台垣曷勝忭頌弟 越符忝領桂序欣逢虛擲駒陰

徒慙狙素為憶廣陵潮上曾傳

枚乘之文榕嶠風清喜見

譚綸之績因時誌頌不盡溯洄肅緘馳賀

秋祺敬請

勛安統希

澄管不宣

湖南巡撫劉

齋齋先生六公祖大人閣下涼風乍拂味尊鱸而轉
動鄉情

朗鑑當空溯琴鶴而彌欽

宦蹟敬維

偉猷霜肅

亮節秋高

外攘內安審檠萌而必伐

文通武達合畛域以無分摩崖銘迴雁之峰籌筆

奠蜚鴻之澤上孚

宸眷下慰輿情側聽

風猷莫名欽佩某一經從宦十度觀潮虛擲駢陰

徒慙狙素回溯潯陽極浦洞庭始波望初月之

方升撥猗蘭以爲佩鄉關多福幸庇

使君苑結之私寫藏靡旣肅緘敬賀

秋釐並請

台安統希

澄管不宣

湖北巡撫吳

子健仁兄大公祖大人閣下頻年羈宦喜枌榆獲庇

使君對月披襟溯鄂會新覘

開府正擬修緘展敬猥承

瑤翰疊頒辱

褒飾以因時挹

撫謙之加禮開緘三復媿不敢當敬維

仗鉞履新

樹規邁古謳詠洞庭上下

去思偕來暮相磨

範圍漢水東西

國史與

家聲並煥式孚

簡寄九洽茶鋪弟持節西洽媿無補益陔衡雲之雁躅

迴念

棠陰

哀荆旅以龍襄愿資

韋佩崙修寸啟敬賀

鴻禧順請

勛安並頌

秋祺祇返

全謙統維

亮譽不戢

陝西巡撫蔣

璞山仁兄大人閣下宦轍分馳郵籤罕達緬懷

碩望祇景私忱茲當萬寶告成定卜

三能增耀敬維

清襟襲月

勝賞延秋

擁百二之雄封早銷金甲透

九重之殊錫為洗銀河翹企

三館月... 卷四
偉猷式孚遠頌 弟 越符黍縮桂序欣逢幸鱗陽之

告豐撫駒陰而滋惕望

雲千里悵阻迹於鷗程在水一方喜興謳於鴻澤

偶因令節用抒頌忱敬賀

秋釐並請

勤安統維

亮簪不宣

廣東巡撫張

友山仁兄大人閣下音傳珠海仰

籌筆之崇勛矚朗銀河驗緯辰之徙度遙懷

光霽不盡溯洄敬維

江漢澄波

盧彤哀旅

邁韓雍之銅鼓久靖欃槍

酌吳隱之清泉止譚風月

瑛檢則

當平晉秩星槎則

博望探源引企

喬輝罔馨儼頌 弟 越圻黍領桂序頻逢雖幸穉事

告豐終悵駒陰虛擲觀潮江上追枚乘之逸蹤

移屯海濱媿湯和之決策崑修寸啟祇賀

秋祺並請

台安統維

澄簪

廣西巡撫劉

蔭渠仁兄大人閣下南交風肅規鱗藉之騰歡

北斗名高傍蟾暉而曜緯遠懷

茂築敬附音郵辰維

鑒物懷澄

貫時概亮

王文成之治粵豈管昔識威名

韓襄毅之臨邊猶悍咸知禮讓

圻封碩望

樞密山高資

帝資元臣茶鋪曷既弟 晝符久縮佳節又逢幸禱事之

吉豐悵駒陰之虛擲緬想

戟門晝靜炎微涼生越裳馳貝葉之文濯水導滌

江之派試吹絃管知

逸興之過飛也肅緘馳賀

秋祺敬請

台安統維

澄簪

兼署雲貴總督雲南巡撫岑

彥卿仁兄大人閣下滇池

雙節普炎微以承風銀漢九霄仰圓靈之曜采緬

懷

風範輒貢星郵敬維

亮概貫時

澄懷鑒物

洗星河於蒙舍南人久讐

天戈盟秋水於蘭滄西爨不煩

霜鉞

聖恩滋渥輿望彌歡弟久縮越符又逢桂序為溯錢江

潮上星袍已周遙知

昆沼圖開露華同湛崑肅燕啟敬賀

節薦並請

台安統維

亮答

貴州巡撫曾

樞元仁兄大人閣下黔陽風肅景

豹畧之宣威銀漢秋高喜蟾輝之濯采小山叢桂

秋水蒼葭致訊通辭彌懷

勞勤敬維

乘時執矩

撫序延釐

秉霜鉞以格苗

綸頒

關北馳露章於平播

績邁水西引企

豐猷式孚遠頌弟一經從宦十度觀潮幸稽事之

告康更邊塵之久靖奉辦香於

通德妙悟木犀邀杯酒於圓靈吉徵金鏡崑修燕

啟敬賀

節釐祇請

勛安統維

亮簪不宣

河南布政使劉

冰如仁兄大人閣下涼秋將半舊雨久違緬想

光儀祇增涸湖辰維

名高岳牧

績躍圓靈

導河洛之澄波霜清畫角

宅風雨之和會月到天心行見

帝倦賢勞

嚴畫造福益展

名臣風烈也弟綰符五載駒隙虛拋幸稽事之尙

豐庶輿情之稍慰錢江潮信憶

寒袂以同觀銀漢秋高更疑眸而念遠肅緘敬頌

秋釐並請

勛安統維

亮簪

升湖南按察使涂

朗軒仁兄大公祖大人閣下昨謠渥荷

恩綸湘中陳臬喜

慈雲之來被正好月之初圓方擬裁箋馳賀

鴻釐適奉

瑤函猥承

飾序臨風展誦慚歎交縈敬維

籌海功高

綏壘望重

馴雕題而懷鑿齒輿頌彌真

袞衡雁而擷湘蘭

睿隆方始

開藩開府以頌以欣弟游宦十年神馳梓里比清

商之應律喜

鄰曜之移躔敢附星郵一陳頌悃祇賀

大禧並請

勛安復即

秋祺敬完

撫版不戩

山東鹽運使鄭

譜香仁兄大人閣下送別

台塵瞬臨秋序正擬肅緘奉賀適承

撫翰先施

逾分揄揚伏增惇悚敬維

甄心邁古

樹政剴今

平準書成擅富海冠山之策登封典重

上瓊樓玉宇之篇東夏臚歡

北宸錫寵

雄藩肇錫頌簡允孚弟十度觀潮四郊省獲濤來

龕楮景九點於

青齊露積稻梁蔚千屯於大滌緬想

使臺政暇

別浦涼生繪鵲華秋色之圖尋躡笑名泉之勝藉

葭洄溯倘有同情肅緘復賀

任薦並頌

秋祺敬請

勛安附完

撫柬不宣

調補蘇松太道沈

仲復仁兄大人閣下昨謠恭膺

簡命調任扈城慶

殊眷之方新喜

清暉之漸近正擬裁箋致賀猥承

飾注因時盥手披吟汗顏滋忤敬維

肅雲移曜

甘雨隨車

堪乘八月之潮塵消大夏

柱砥重關之險節朗清秋一葦湖濱依然

珂里大羅天上舊詠霓裳

殊錫便蕃下忱欣抃弟越圻承乏响又新秋建樹無聞

祇深兢惕試和宵砧之韻冀分

鄰壁之光崑肅寸緘敬賀

鴻禧並頌

節釐附完

撫版不宣

湖北安襄鄖荆道歐陽

崇如仁兄親家大人閣下前奉

還雲感盼種切比屆秋澄寰宇遙規

瑞集履端敬維

江漢流慈

彤廬衍兆

寄南樓之興言尋

峴首勝遊分

北極之光更擬

廬陵雅抱

秋陽渥采姻特滋榮弟久縮越符又乘秋序空階

落葉或多棖觸之思極浦滄陽先遣歸耕之息

適當令節藉致遠忱敬請

台安附承

潭福統維

愛管不宣

湖北安襄鄖荆道歐陽

崇如仁兄親家大人閣下魚緘互達

塵教久違際茲萬寶告成遙企

三能迪吉敬維

清襟襲月

亮節輝秋

藻鑑九流澄圓靈於水鏡

樨香四達測晷度於銀潢

崇尋峴首之勝遊

邁南樓之高躅

天庥茲至與望允孚弟浙海觀潮春秋十稔自慚謝陋

曷任艱劬比當白露蒹葭悵隔

秋陽江漢定有

聞聲之賦珍重良時何當挹袂相從傾譚承夕肅

緘馳賀

秋祺敬請

勛安並頌

潭福不戢

玉餘尺牘附編卷四終

玉餘尺牘附編 卷五 雜賀 三

玉餘尺牘附編

武進莊士敏仲求甫稟

卷五 雜賀

左伯六十壽

宮保爵帥大人閣下比謠

軍麾首路益廟洪猷當儲衣赤岸之時見

彌節白檀之盛曩年故吏不獲追隨

鞭鐙稍效馳驅引領西望企慕何極孟冬七日欣

逢

宮保爵帥周甲生嵩之辰微特舊部輸誠望

雲頂禮卽薄海含識無不額手而獻九如之頌惟

我

公壽民壽

玉餘尺牘附編卷五 雜賀 一

國澤遍寰區。頤之徵斯爲操券。文略富鄭未足以較。短絜長顧。

吐哺握髮之餘。曾不以身家爲念。將有并此不腆之儀。而亦厭其繁縟者。某竊維獻壽之禮自古有之。周公之謂召公曰天壽。

平格詩人頌周之興曰維師尙父時維鷹揚及其。中葉則曰。

方叔元老克壯其猶古之耆德重臣實足以維持。景運我。

公之康彊逢吉卽。

聖朝億萬年無疆之福也。肅修丹啟恭叩。于春祇請。

鈞安百維

賜譽

新授內閣學士總理西征糧臺袁

筱塢仁兄大人閣下春初奉客冬

寄函欣譖

太老伯母太夫人上壽期頤

宸章錫羨薄海瞻仰曠代一人更喜載道

壘書又傳

新命

國恩家慶弁冕等倫

康強綿彤管之華

平格兆

綸屏之卜詹言

瑞霽蹈舞莫名辱

徵壽言此真吉祥文字海內操觚之士所藉以增
重者謹借寅僚製成屏幃稍遲即當寄呈也一
昨又奉正月所發

惠緘過承

獎借慚感無已師行漸遠饋尤艱

碩畫賢勞可勝佩仰弟刻將按部巡閱浙東營伍

簿書填委媿乏可陳幸農桑均稱順平民事可
以無愆或當稍掩迂拙耳手肅祇叩

鴻禧敬請

台安統惟

凱答

雲貴總督劉

靖臣尊兄制府大人閣下月前展奉

公函正擬裁牋布復適又奉到夏初兩次

惠示誦悉種種敬維

勛銘銅柱

績邁麓川用縛莊躋於昆池蹙杜弢於蒙舍潞江
既復大理自寒更環百道之師一秉中權之畧
犁庭掃穴當在斯時行見郵駛

赤囊捷聞

丹旰鄂文端之風烈不難復見於今也欣賀無似承
示軍儲支絀刻當進攻得手之時而餉源未裕彌

增

籌筆賢勞年來萬里轉輸微處實因撥款浩繁以致心餘力絀邊陲大局所係極應罄竭壺漿重

來諭請請自當先其所急昨已發銀二萬兩交伊牧雁解

節艱計到滇尚需時日不謾完善各屬秋成若何便中務祈

示悉以慰懸懸是深禱幸肅泐復布敬賀捷勛並叩

台安諸惟珍衛

西征營務處前福建布政使王

閻青仁兄大人執事昨展

搦函承

詳示累戰皆捷情形並讀前後

上季帥書尤深欽佩伏承

閣下蟬蛻軒冕辭尊不居偶修杖策之儀適與用矛之役軍鋒所指辟易無前先聲奪人掃蕩逆壘從此勢成破竹河州賊膽已寒獻馘泮林翹足可待更念

閣下裹創力戰功冠諸軍而引義陳情彌自韜晦教忠教孝兩者兼之昔仲連之卻秦軍終辭上賞子義之報北海為突重圍以彼高風方斯蔑

矣

騶從雖還山情切而季帥方倚以為重必宜稍

緩歸程俟西陲一律澄清戰士錦衣為譜涼州

鏡吹愿斯慰耳

尊剖想已全瑜至以為念續有捷報尚盼

好音崑泐奉復敬賀

凱勛並請

蓋安統維

愛答

前廣東高廉鎮總兵徐

華庭尊兄軍門大人麾下前請

底定大勳渥膺

懋賞正擬裁牋馳賀適披

惠翰並承

詳示軍情展誦之餘莫名級佩敬維

彝鼎策勛

瑯戈煥采

臨狄道而降李簡久警先聲

循隴右以襲隗囂獨摧勅敵行見

提封五等

巽命重申與鄧馮吳耿比烈矣弟越州忝領駒隙空馳

幸轄內一律牧安三農可期豐稔為堪遠慰

蓋注耳崑泐奉復敬

大喜並頌

凱安統維

英譽

安授處州鎮管帶甘肅奇營副紅旗馬隊揚

瓊丹仁兄大人麾下客歲欣聞括蒼之

命竊幸重聯官轍匡我未能祇以填委簿書尚稽箋賀

頃間接誦

惠翰至感

注存並承

詳示近日軍情具見

扼要出奇騰聲驍衛慰佩曷已敬維

豹韜奮武

麟謝圖輝

恩言紀褒鄂之勛焜煌房宿

凱奏譜伊涼之調歌舞邊庭翹企

偉猷曷勝儻頌弟持節越中嫌無建白所幸列川

收靖民氣安和為堪遠慰

蓋注耳嗣有捷報尚盼

續音崑泐奉復敬賀

大喜並請

勛安統惟

偉譽

署陝西延榆綏道成

滌泉仁兄大人閣下分馳宦轍翹企

軍麾渭樹隴雲至縈夢想頃展

捷報知金積堡首逆業已就俘慶幸無似伏承
執事偉猷絕特

景福蕃臻

炳犀照於幾先綠林掃穴

勇鴻猷而善後赤縣臚歡

殿辰策勛

柏微晉秩引詹

偉畧式慰愉忱弟虛縮量符有懷

籌筆譜涼州之饒吹猶帶秦聲緬關塞之笳鳴言

旋越錦崙泐馳賀

捷勛並頌

時安附繳

謙版統希

亮管

統領銳中等營貴州候補道李

廷章仁兄大人麾下江梅頻放寄贈無由適展

惠緘猥承

飾歲並荷

詳示壹是軍情可勝佩慰就維

圖開麟櫺

珮襲犀渠領虎旅於三湘師貞協吉迓

鸞綸於

九陛

巽命褒庸引企

三傳八附錄卷五
偉猷揄棗曷既弟節麾虛擁歲籥又更瞻鄉樹以
滋懷履春冰而自惕枌榆伏莽未靖彌用隱憂
麾下以節制之師扼要周布故得及時撲滅所向
有功顧清源正本之方亟應講求施措三復
來札固知有心人同此躊躇也尚肅復賀
春祺敬請

勛安統維

偉管

統帶楚軍前路升用提督甘

睽隔

鴻儀時深苑結適披

馮翰並承

示邊陲近狀感叙莫名敬維

畧裕豹韜

圖輝麟榭

大黃發射貫鳴鏑於天狼

太白鈴符譜吹鐃之凱燕行見渥膺

殊錫專闢真除翹企

喬輝至殷頌忭弟貊素久叨駒光虛擲幸轄內尚

稱安謐三農可期有秋藉堪告慰

厘注耳肅泐奉復敬請

勛安並賀

時釐祇璧

謙柬惟

照不宣

署處州鎮梁

夙耳

英名未由把袂日昨連接

函牘其紉

注存就譜

榮涖括蒼受符視事行見

旌旗變色壁壘一新為浙東綠營之冠矣從前額

餉不充營兵幾不足以自贍自定新章以後餉

已加給則練兵一端實為

麾下第一要義處郡風氣靜懋前明戚南塘少保

以練處兵遂平倭寇為一時名將良規可鑒勉

之勉之手泐復賀

任禱並頌

助安附完

芳版

翰林院侍講學士周

荇農先生仁兄大人閣下前謠

晉擢崇階正擬肅箋致賀適披

惠畢並拜讀世兄殊卷仰

淵源於家學慶稠疊之

國恩湘水衡峯為之增色敬維

履新輯瑞

俛直宣勤

蘇玉局之文章斜川濟美

虞伯生之奏御中秘垂型和鶴于林豐貂七葉引

言

偉望企慕為勞某任重材疏媿無建白差幸農功

不害置事務安藉堪奉慰

厘注耳耑泐馳賀

大喜敬請

台安統維

澄簪

樓次元

遠睽

塵範景系為勞前閱題名欣藩 世兄木天翔步

同鄉館選五人喜文運之日隆仰

家聲之丕振正擬肅緘馳賀適披

惠翰彌感

注存就維

養望雍容

潭祺廸吉

石渠著錄傳鶴和於九臯

綬筭鐫銘展驥程於千里

國恩家慶焜耀一時可勝忭頌 弟材幹任重時切冰兢

幸轄內一律收安秋收可期豐稔藉堪奉慰

厘注耳耑泐復賀

大喜並頌

時安統維

惠管不宣

新授閩浙總督張終養

子青先生制府大人閣下一昨恭譔

陳情乞養仰荷

聖俞想見

一德感孚之盛然吳越黎庶攀轅卧轍振乎若無所依

湯文正留愛江南固不得專美於前也獻歲發

春伏承

上侍曼安

幃帷多福

魯侯燕喜推純嘏之自

天闕雅兜觥亦躋

堂於改歲

國恩家慶傳為美譚

慈範孝思播諸

治譜獨惜合併宦轍遽送

歸帆遂使積歲傾忱不獲償其素願斯為系慕無

甯耳端修丹啟馳叩

春祺敬請

台安統維

澄管不彀

雲南候補道廖開復

小樓仁兄大人閣下一別六年相違萬里每懷

雅範勞我寤思昨展

來緘備承

飾注欣悉

珠還合浦

榮晉柏街

乘闔著懸布之勳卓標漢幟

清野奏吹笳之響丕迓

堯綸

陳泉開藩斯為左券逃聽之下以頌以欣弟 曩寄

濫膺事功未建差幸列屬均稱安謐雁鴻來復

中澤不鳴藉掩狷疏用紆

雁注耳肅緘復賀

大喜順頌

助安附完

芳版

王餘尺牘附編卷五終

王餘尺牘附編

武進莊士敏仲求甫稟

卷六 復謝

左官保

宮保爵帥大人尊侍敬肅者秋初肅貢寸絨度早上

塵

巖電昨由轉運局遞到

手諭並

頒賜楹聯暨狐裘鹿茸枸杞諸珍品猥以時當賤

誕萬里寄以繹誦百端想見

顏色今昔離合之感彌復怦然有動於中竊念其

久侍

幕府遂以厯叨非據即今沐浴

舊澤成矩可循滋媿才識短淺三隅未反而
獎期過厚古誼益親循省迂疏何以當此解衣而
寄遠道非干鎰之爲珍食萃而念嘉賓乃周行
之示我延齡卻病服誦
箴規竟夕屏營窮於所報惟有厲精龜勉或可無
負我

公平酒泉重圍已合轉眄掃穴犁庭計關內一律蕪
功金甌無闕勞臣蹇蹇或斲可娛志林泉他日
某得遂乞身重陪
撰杖斯至愿矣入冬來

起居奚似鄙意謂宜啻神養和講求珍攝任人者
逸卻老有方不勝惓惓之私伏祈

俯賜採納浙中民情安帖而西成歉收冬初雨澤
仍少刻當春花播種彌復可慮殆由德薄能鮮
未由感召祥和早夜以思悚惕靡已輒闡試竣
接辦武場計校射總須匝月閱兵之舉年內能
不出省尙在未定也手肅佈臆敬鳴感謝之私
統希

鑒管祇叩

福安

順天府府丞張

霽亭仁兄大人閣下月前奉到

惠緘並荷

頒賜上珍多品襲茲奇暖如坐

春風採是良苗定由長白鹿角含延齡之液虎膠
資健骨之功美異悉臻拜登慚愧敬維

宣猷京兆

奏績

宸樞兼二事以咸綏羣空冀北近

一人而有慶氛靖滇南企望

祥輝曷勝禱頌弟四月杪閱兵旋省未及半月內

子以病謝世事已如此無可奈何擬俟中秋前

後命兩兒奉櫬回湘安葬前接

尊函適當匆遽之際是以遲遲至今始獲奉復諒

荷

鑒原格外也手肅鳴謝敬請

台安並叩

潭福

前湖北巡撫郭

遠堂先生閣下前譚

子告東旋

安輿就養欣忭積素愿奉

箴規適 哲嗣谷齋兄贊到

惠書並領鄂局新 四種盈盈帶水未修東道之

儀粲粲叢編允拜百朋之

賜銘歉奚如敬維

撰杖聲宜

禔躬元復訪松雪一品之石爲駐

遊。筇。衍。金。張。七。葉。之。貂。尤。釐。康。爵。胸。屈。陽。和。律。轉。
琴。鶴。逍。遙。當。於。六。橋。三。竺。陪。奉。一。觴。也。手。肅。奉。訂。
並。鳴。謝。忱。敬。請。

台安統維

賜譽不菲

江寧鹽巡道孫

琴西仁兄大人閣下吳委員日昨回杭賁到

手書並承

惠。寄。言。行。錄。讀。書。雜。志。各。二。分。景。先。賢。之。正。鵠。免。
誤。字。於。蹲。鴟。發。篋。陳。編。不。白。慚。其。取。求。之。陋。叙。
感。矣。如。此。謹。

偉望光昭

殊猷卓越

敷紀綱於列郡

霄露頌恩

燭利弊於千官冬陽表愛即膺

置寄罔既棗榆杭會壹是如恆納稼築場三農不

害藉慰

履懷肅復鳴謝敬請

勛安祇完

携束諸惟

淵譽

淮揚鎮總兵歐陽

健飛仁兄軍門大人麾下再展

瑤箋承

惠寄碑刻紈扇拜領之餘想見

籌筆雍容猶資考古

發蹤整暇不廢臨池祭征虜雅歌投壺羊叔子輕

裘緩帶

敦詩說禮媲美前賢從茲奉揚

仁風不啻親承

染翰欽佩無已手布鳴謝再請

時安唯

照不宣

前織造茂

竹巖仁兄大人閣下披奉

還雲知前函已塵

籤掌猥荷

藻辭飾注侑以豐貂有逾端綺之遺何止緜袍之

雅拜嘉

厚貺分暖滋慙就維

太府宜勤

導揚典禮溯虎林之

舊澤詩詠七襄迓

鳳闕之

新綸禮崇九列引詹

喬竊罔馨荼榆弟建樹毫無勞薪猶昔所幸韓畱

安謚賜兩尚和為堪遠慰

厓注耳乘便肅緘布謝敬請

台安並頌

潭福諸維

愛答

前織造德

玉軒仁兄大人閣下月前摺弁回杭奉到

惠函竝荷

寄貺四種筮協百朋之錫珍逾端綺之遺足微

摯愛逾恆感謝無既辰維

潭祺康勝

勛福昭宣

辨上品於

天閑魯桐有斯才之頌

誌七襄於雲錦越郵留

去後之思行見

帝眷有加翺翔九列也頌甚禱甚弟領越三年迂疏寡

效刻下時近鄉試簡書填委秋後文武試竣即

須出省巡閱營伍幸願軀尙足耐勞為堪報慰

雅住耳屢叨

嘉惠殊切不安京秩清閒顧勞

倦倦如此所謂施之者不覺其過而受之者彌增

其慙也乘便手肅鳴謝敬請

台安順頌

秋祺惟

照不宣

復謝各道府祝雙壽

接奉

惠緘猥以弧悅之辰過勞

瑒飾靈薇莊誦愧不敢當就諸

勛福聲宜

修齊交勗即膺

簡擢罔既榮榆弟持節無功蒸梨待隱翊嘉名於初度

抱虛愿於知非幸際

隆時對雍容之珮散追維曩日久電勉於糟糠雖越中

年敢渝素志重承

獎借祗益慚惶尚肅復謝敬頌

勛安並問

潭福附完

大版統維

亮譽

前湖北巡撫曾

宮保沅浦先生閣下敬啟者秋初肅復寸緘諒已早

塵

籤掌矣昨披

賜翰并蒙

頒到幛軸慰問拳摯何以克當敬維

潭福蕃臻

起居佳勝定洽系忱頌聞

謝傳東山近得

璽書徵召海內額手相慶爭愿先庇

祥雲想展

翰效駕必勉為蒼生再起也禱甚禱甚

文正公佳城未定刻下已另有營度否昨又駭謫

侯夫人之喪雖哀榮備極夫儀文而規範益傷

其凋謝已另牋奉慰 訪剛兄矣某精力早衰

重以失偶秋中料量歸櫬各事令 兒輩奉以旋

湘計刻下當已抵里猥承

存問感戢奚如肅泐奉謝敬請

台安並叩

潭福統維

愛答

江西學政許

星叔仁兄大人閣下前陳賀簡諒達

典籤頃間披奉

惠緘猥以戚遘斷絃遠勞

慰問情文周摯感何可言敬維

英蕩頌型

輔軒按部

喬木世臣之美嗣佐

璇衡豐城雙劍之輝蔚成桃李引詹

台曜頌禱奚如弟久宦未歸遽悲故劍新秋落葉

愴然於懷已於前月初間命 兒輩奉櫬旋湘營

復謝

視奄夢敢因

存注附以奉聞尚肅復謝敬請

台安統維

亮答

山西學政謝

磨伯仁兄大人閣下化雲綿邈音敬有稽頃展

瑤函猥以內子之喪遠勞

問慰顧懷

摯誼感哉莫名敬維

秉節晉圻

大昌風教河汾典學

訪耆宿於王通常山寶符

校翹材於尹鐸

天章褒美允洽棗榆 兼久宦浙壘寸長未著徘徊令節

又迎江上之潮容易秋風已墜林間之葉重承

注念祇遠謝忱敬請

台安竝頌

秋祺統維

亮答

前廣東巡撫蔣

薌泉仁棣臺大人閣下頃 謝協戎送到

惠緘並

頌來輓幃祭品猥辱

殷勤慰唁感何可言卅餘載糟糠之妻平生敦飭

五言尺牘附錄卷六
閨闈從無過失不謂卧疴經歲中道棄予幸兄
闕伍適歸得以親為料理尚為不幸中之幸也
念吾兩人別後

閣下於庚子年邁悼亡之戚時以相距較遠芻奠

稍稽今

旌麾行次滬濱敝處赴書尚未達

覽而部將遠將

盛意先來

賜醪不愈足增友朋之重耶八九年之別數千里
之途今僅相距數程握手在卽於以稍釋炊臼
之哀而延盼
盍簪之雅卽浙中百萬黔首亦翹首企踵喜我

公之將至也先此鳴謝拱候面聆

大教快傾積忱敬請

行安諸希

愛答

前陝西巡撫劉

克庵仁兄大人閣下昨歲一通簡牘久闕裁牋敬念

手微靡時或釋頤披

惠函猥以內子不祿備荷

慰存並承

寄賜幃軸一懸念遠道之弗遺感

隆情於靡已敬維

林泉娛賞

王晉履附錄卷六
於式鄉邦勦王則勝地寄懷高密以列侯就第如
公雅望固應度越音賢矣弟久叨貺素無裨民生
寄興葺鱸爲期匪遠何當相從湖山瀉水之間
細話疇昔耶淞中歲事幸獲豐登見輩扶輿行
後已逾兩月尙未接抵里之耗也手肅鳴謝敬
請

台安並頌

潭福統維

愛管

河南布政使劉

水如仁兄大人閣下日昨汪委員來浙送到去夏
惠函并幃軸一懸感承

慰問銘戢無已敬維

澄懷瀾靖

峻望嵩高

中原之桴鼓無驚

价藩久次南國之

芟棠弗翦

闔澤如新

帝簡勞臣行見

益宏展布矣弟自去歲悼亡冬間復遭 二伯父
之故家事頗爲不順幸轄境安和春時雨陽時
若二麥可望豐收但使民氣日紓庶拊循亦易
爲力耳專泐復謝敬請

勤安諸維

愛答不備

江蘇糧道英

茂文仁兄大人閣下軼掌塵勞久稽牋敬重以內子

之戚檢校益繁企

神倉饋運之勤增秋水湖洄之想頃披

擣翰猥承

慰問殷拳感紉何極敬維

奉案告潔

持節宣勞念

圖始之維艱行諸久遠喜屢豐之早兆

感以祥和

擘畫所周鄰疊利賴矣弟閱伍言旋甫經旬日而

鷓絃遽斷追維往昔何以遣懷擬俟八月初間

命兩兒奉櫬歸營宅兆重勞

存注並以附

聞肅緘祇達謝忱敬請

台安順叩

潭福藉璧

大銜統維

愛答

提督黃

芑巖軍門仁兄大人麾下回省旬餘遽邁悼亡之戚

計赴書尙未達

覽而 使者遠將
盛意頒到

多儀慰藉殷勤感均存歿同牢之誼舊饜糟糠三十餘年宛如一日不謂大夢先覺中道棄予故鄉之愿久違向平之懷未了衣裳在笥詎能忘懷惟簿領繁冗責望所萃何敢不强自抑損檢校官書循省

來緘彌用棖觸手肅鳴謝敬請
勛安諸惟

愛答

前署福建漳州鎮總兵張

香田仁兄大人麾下關河間阻良期未由適奉

惠緘猥因丙子之喪

遠頒聯軸感綬

摯誼彌切溯洄敬維

瑞啟柳營

恩隆

楓陛聽涼州之鏡吹赤岸雲屯

表塞上之旌麾玉門春滿

真除節鉞定協頌忱弟羈宦越中側身西望念

軍諮之勞費彌悵前塵感

驛使之殷勤不忘遠道瀚中置事安謐年穀順成

藉紓

厘念肅復鳴謝敬請

勛安統維

偉譽

玉餘尺牘附編卷六終

士餘尺牘附編

武進莊士敏仲求甫藁

卷七 唁慰

倭中堂之世兄

前奉

訃函駭謫

太保文端公之喪梁木泰山忽焉頽壞悲惋失措中

外僉同伏思

太保文端公一杜擎

天八荒被澤邁甘盤之舊學儼君實於

中朝胡不愁遺大星遽隕海內傾歎庸有已時某外吏

風塵無由進窺

盛德而聞風起敬歷有歲年道路阻修罕逢妥便是

以久稽芻敬良用歉然茲謹具奠儀一函希即

代薦

靈筵是所至禱專修寸啟祗承

孝履唯

照不宣

瑞中堂之世兄

客冬驚傳

太保文莊公霄星之拜震悼莫名旋展

赴書祗謚

歸旆有期尤深感觸伏念

文莊公逮事

三朝蔚為

清時首輔溯嶺表領置十載內安外攘寰海鏡清乃首

山之鼎將成而

力牧之臣先謝瞻懷

功業不朽在茲

閣下至孝性成何敢以節哀順變之辭遞書勸慰

惟念

光前裕後義在守身尚祈

讀禮之餘勉自珍攝是深翹禱附呈幛軸敬乞

代懸

靈次尚泐馳唁

素履唯

照不宣

會襲侯

劫剛仁兄大人苦次昨由 篋軒方伯處傳聞

侯中堂薨逝之耗五內震駭將信還疑頃於十二日

接 昌期軍門初四日來書長慟不已伏念

侯中堂再造東南經緯區夏天下倚為安危者逾二

十年遭際之盛有逾武鄉道德之光遠過潞國

言思倥議靡得形容某以鄉里後進夙蒙

獎借始列刻章比年以來竊叨非據差幸近在鄰壤

一切得有秉成木壞山頽於何仰放蓋上為天

下慟下以哭其私我

兄瞻戀

庭闈不求祿仕遽遭大戚哀毀更何可言惟是

偏陰在堂承家責重必宜

勉自撙節以滅性過情為戒庶可上慰

先靈區區之私不勝禱切緣羈於職守弗獲躬詣叩

奠謹專函先致哀忱敬唁

素履百惟

珍衛不盡縷縷

令弟勵涵均此致唁

會襲侯

劫剛仁兄大人苦次昨奉

素書知月前奉唁一緘早邀

譽及三奠卒哭倏忽屆期仰

遺範之猶存感逝波之不返敬念

起居慎護

典禮馨宜。范忠宣有言。蓋嘗先天下而憂期。不負聖人之學。此先臣所以教子而微臣資以事君。將於

閣下見之矣。江南士庶奔赴望轅。匍匐填咽不前。是報功崇德之遺見。天理人情之至我。

兄執禮之餘。尚祈強自節抑。弗令過哀。是深企禱。弟以職守羈絆。未及躬詣。

靈幃返之於心。殊為耿耿。特端弁賫呈祭文輓聯。附以祭儀。稍達誠悃。即祈

代薦餘容。續布敬請。素履百維。

珍衛

曾襲侯

劫剛仁兄大人禮次。昨接湘中來信。駭謔

尊堂侯太夫人遽於八月十三日棄養。悲夫哲人其萎。方釋吉於三年禮範。猶存頓興。嗟於大暮。我

兄迴車袁浦。戴星遄奔。方匝月之際。違望白雲。而不見至情。悱惻何敢以節哀順變之說。譬慰

孝思第念

堂構之艱守身為重

絲綸之寄報

國宜先萬祈

以禮制哀。勉襄大事。用慰

先靈是所至禱附呈祭幛一軸奠儀一封伏乞

代薦手肅奉唁

孝履百維

珍衛

弘德殿行走翰林院張

容秋送別河干久稽箋敬忽奉

老伯母太夫人之赴悼駭莫名念初春

入直

邇英請急遄返太行白雲之慕有不以三公易此日者

樹欲靜而風不宐團團素冠猶幸哽噎觀承弗

塵

倚間之望古人瀦心申禱嚙指通誠至誠感神昭示

來葉不圖風誼復見於今尙祈

擗節哀思勉爲蒼生自重以副禮典而慰

慈靈是深翹禱道遠莫修匆奠謹呈上祭幛一懸伏乞

代布

几筵手肅奉唁

孝履統維

亮警

朱修伯之世兄

子清世兄大人禮次展奉

赴書駭謔

尊甫大人遽返道山不勝驚怛重念

尊甫大人領班秘省踐秩法司清望所孚朝野瞻仰方

謂簽書樞密晉秉

國成何圖天不憖遺遽斬中壽外寢致慟難已於懷吾
兄摯孝性成何可以節哀順變之辭曲爲譬慰惟
是

承家責重義在守身務宜差體

慈心勉襄大事斯則區區私忱所不能已於言者也附

呈奠敬一函祭幛一懸敬乞

代薦

先靈是荷手泐奉唁

孝履唯

照不宣

候補京堂徐

小雲仁兄大人禮次前奉

赴函驚謠

老伯大人棄養之耗駭悵莫名伏念

老伯大人鄉國達尊儒林宗範經術傳爲治譜餘慶衍

及孫枝上壽考終殆無遺憾惟吾

兄珥彤儼直悵念白雲噩耗傳來素車星發至行

肫備迫切可知尚希

達變節哀強起自力以承

遺志而慰

慈闈是深翹禱相違咫尺不克躬申芻敬至用歉然附

呈奠儀一函祭幛一軸敬乞

代懸餘容續布手泐奉唁

起居並叩

侍安諸惟

珍攝

署兩江總督何

小宋尊兄大人孝日昨展奉

赴書駭謫

老伯大人遠歸道山不勝驚怛伏念

老伯大人偉才碩德功在西陲耄耄康強精神不亂啟

楹書於令子澤遍寰區紀栢鼎於勞臣勛銘益

部如斯積累天不慙遺

閣下砥柱東南遠茲邁閱星奔嶺表憔悴素冠必

宜恪奉

遺言弗過哀毀以慰

在天之靈是深企禱 弟祿不逮養入為鮮民悵觸中懷

不能自己道路修阻未克躬叩

几筵謹具祭幃一軸聊誌鄙誠敬乞

代懸手肅奉唁

孝履諸惟

珍衛

漕運總督蘇

虞階尊兄大人孝頃奉

訃函駭謫

老伯母太夫人仙逝之耗驚怛莫名伏念

老伯母太夫人教秉女宗壽臻大耋慈訓傳為治譜餘

慶衍於孫曾

誥錫

芝綸綬揚彤管固已備三從之義居五福之全

閣下至性夙成驟遭大故固非言辭所能譬解尚

祈

援禮經不毀之說勉節哀思以襄大事而慰

先靈是所深禱道遠尚稽芻蕘容俟續陳先此馳唁

敬請

禮安諸希

珍衛

江蘇候補道倬

載軒仁兄大人太孝久疏音訊馳系為勞頃展

赴書駭謫

太夫人仙逝之耗驚悼莫名伏思

太夫人母範傳芳坤儀秉淑勗成

令器為

國宜勞膺極品之

褒封御板與而就養方謂康強逢吉永錫百齡乃愛日

正長而嚴霜遽實吾

兄孝思純篤遭此大變何敢慰解以言辭惟禮適

乎中哀不過毀尚祈以

大事為重善自節宜是深禱盼路遠莫致獨奠容俟續

陳先此馳唁

孝履統維

登簪

江西候補道鍾

仲甫仁兄大人禮次江鄉睽隔音訊久疏頃於五月

廿三日展誦

赴書駭謔

老伯母太夫人去冬棄養之耗不勝惋愕伏承

老伯母太夫人景福上壽並世所希五葉開祥綿家風

於弗替

九重動色符

宸翰於後凋怛化順常哀榮兼至吾

兄先期乞養上慰

慈衷白首弟昆敬管

窀穸斯

德門愷悌之化亦鄉黨儀型所歸也弟羈官浙水

聞信稍遲計

驂馭久已上騰牛眠亦經協吉芻莫之敬未由自申

馳企湘雲曷勝歉仄手泐奉唁

孝履諸惟

亮簪

湖北候補道何伯英之世兄

頃展

赴音駭謔

尊甫大人怛化之耗惋歎莫名念

尊甫大人年屆懸車而神明彊固平日常章經濟藝苑

交推

先皇簡畀大州念咳蘭而潔饒晚歲筭籌戎幕膺薦剡
而遷階繕算攸資糧儲斲攝清操直幹利在民
生未竟所施遠悲大暮顧懷

昔謹益用愴然

世兄大故悴膺守身為重必宜勉承

先志以禮節哀是深翹禱道遠致稽芻敬容俟續陳先

此馳唁

孝履惟

照不宣

劉蘭洲

蘭洲仁兄大人禮次前月傳聞

老伯大人噩耗因未審真確不敢遽達唁封頃接

赴音曷勝驚惶伏念

老伯大人抱藎未宣貽謀宏遠年來優游槃澗蔚起鳳

毛萬石君之高風郭元振之茂矩方謂

閣下功成隄海洗腆奉

親拜

殿陛之

殊恩作鄉關之佳話何圖倏忽遽愴

星奔團團素冠同悲風樹尙所

為時珍重稍節哀思是深翹禱附呈幃軸敬乞

代懸手泐奉唁

素履諸惟

鑒誓

江蘇候補道朱

前月下旬傳聞

尊公之喪不勝驚悼但猶謂高年痼疾道路妄傳中心忤

忤末由致訊比奉

來牘益用傷懷伏承

尊公先生際遇

三朝闡明性理江湖不忘

魏闕猶先憂後樂之懷海內奉為斗山以繼往開來自

任遐福未艾胡不慙遺敬讀

遺章竝

詮次事畧底本惜老成之代謝仰

繼述之方新謹已繕摺奏

聞乞

恩賜卹至易名之典拘於成例萬一請而不允轉非

仁孝所安以此躊躇未敢率爾他日

賢昆玉游登台輔

朝廷追念耆德肇錫大名如湯文正韓文懿之例皆由

追諡固不兢兢於旦暮間也手肅馳唁

孝履統希

鑒誓

前陝西巡撫劉之世兄

春初驚展

尊甫大人赴音不勝駭怛伏思

尊甫大人處爲純儒出爲名臣功成不居言尋三徑講
易玩禮垂老益精俊偉之才沈潛之學在我
朝能有幾人天不假年遽悲大暮此海內有志之士所
謂太息流涕不能自己者而弟猥以生平之雅
同處患難過荷

期許居恆追憶弗忘客秋尙接

手書論議周密如對顏色方謂他日掛冠歸隱同訪漁
樵可以飲承

益教不謂遺書在篋遽爾千秋人往風微可勝一慟吾
兄遭此大故守身義重愿

慎自樽節弗過毀傷也生芻之奠遲遲未發尤用

歉然茲寄呈奠敬一封輓聯一副敬乞

代薦爲幸手泐奉復奉唁

素履統維

亮譽

車雲衢先生之世兄

昨奉

赴函駭譁

老夫子大人棄養之耗感愴莫名自維疏拙之才幸隸
弟子之籍每有陳啟常

手自函答勗勉殷勤記去歲奉到

諭言猶以精力尙可支持遠相告慰不謂山頽木壞仰
放無從虛循哭寢之文徒切心喪之感 某方

伯函述

尊處近况尤為悵然辰下

靈輿想已安卜牛眠相隔數千里不獲躬親執紼馳念

無已謹具奠儀稍表微忱卽祈

代布

几筵爲禱手此馳唁

素履諸惟

珍衛不宣

何子貞之世兄

伯源仁兄大人禮次八月初旬驚傳

尊甫先生在吳門棄養駭怛無似維時正在從事文闈

繼以校射逾月是以遲久始獲奉唁至用歉然

敬念

尊甫先生道德文章海內宗仰而迴翔詞館遇不副才

晚歲爲吳越之遊實東南藝林之大幸方謂

飄陶所及械樸奮興豈知星斗芒寒驟鸞長往此海內

士大夫所爲同聲一哭者也弟違奉

音塵適已三載竊冀講堂重到迺我多聞遽愴薤歌心

焉如痗吾

兄承家責重務祈

節表達變以慰

先靈是深人止禱外呈奠儀卽希

答入手泐布唁敬承

素履統維

惠照

夏翼雲

翼雲大兄禮次接展

赴書駭謔

尊甫大人遽歸道山不勝感歎念

閣下負米頻年久違定省康莊將馳騏驎而
椿庭遽迫崦嵫樹欲靜而風不甯此人子之至痛願維

承家責重

偏規在堂必宜

樽節哀思求顯親揚名之義是所至禱附呈冀敬

一函卽希

代薦

几筵手泐奉唁

素履諸惟

珍攝

吏部左侍郎黃

孝侯尊兄大人閣下前謫

晉秩秋官尙稽肅緘馳賀頃間閱伍言旋接展

尊嫂夫人訃音不勝駭愕伏念我

兄大人播績

中朝賢勞王事家政所寄端賴中壺重以

淑聞夙昭渥承

殊賚方謂大福未艾同享期頤遽愴鸞分能無惋歎

執事望隆責重必宜爲

國自衛勉抑情懷是所翹禱弟閱伍浙東五旬而畢沿

途民情安帖農事亦順自維迂拙藉以稍免僇
尤耳專肅奉慰

起居附呈奠敬一函務祈

轉薦祇請

台安統希

愛答

刑部右侍郎順天學政錢

湘吟尊兄大人閣下客冬肅緘頌

歲知已上達

籤曹昨展

尊嫂夫人赴書不勝驚惶重念

執事周原駢轡內顧無憂尤欽

南國蘋蘩曾拜

上方端綺弁冕巾幗彤史增華何期別鵠成謠靳茲偕

老感中年於謝傅同愴虛幃緜

勵志於樂羊彌悲斷杼所愿

爲時珍衛稍作達觀企禱無似長途綿邈致敬無

由謹當馳使

珂鄉覘候

尊嫂夫人靈輿言旋用伸奠醑先此奉慰敬請

台安統維

澄登

溫處道方

子穎仁兄大人閣下頃展

赴書駭謔

嫂夫人仙逝之耗中年甫屆遽愴虛帷溯仲夏之蠲
鳴勉效蒙莊作達迨深秋之葉落又聽

潘岳同吟維

嫂夫人中饋卅年相隨中外淑聞宣播人無間言胡
不永年靳茲偕老人事代謝良用喟然至於世
俗譬慰之辭不欲以陳陳相因者達達

清聽也附呈祭幃一懸即乞

代懸為禱手泐布慰

起居統維

惠答

江蘇糧道英

度文仁兄大人閣下月前肅復寸緘諒塵

籤掌頃問駭謔 大姪之變惋悼無已限此一衣

帶水不能單舸逕造一慰

老兄悱惻之懷顧維伯魚先亡尼山隕涕羸博告

逝季札還車無可奈何聊引此以為解抑或靈

奇之質生有自來長言修文玉樓遽召而有此

變耶 令坦述知近日

起居鄙懷稍獲寬慰但

端居謝客深慮棖觸滋多不如稍與委蛇藉以排

遣 孫世兄今年幾歲惟有好與教養以待其

成安知鄭氏小同不足繩武康成也手泐奉慰

敬請

台祺並叩

嫂夫人坤安諸惟

珍衛

前江蘇巡撫許

信臣老伯大人侍右自

台從作吳門之游忽已逾春倦念

霽輝刻深景跋祇以簡書罕暇音敬有稽歉仄奚

似伏承

道履康綏

遊筇安穩召伯巡行之地舊種棠陰溫公致政以

還益延椿祚想見吳中父老羣喜

使君涖止慰此謠思也杭會壹是如恆八春陽雨

應時足紓

蓋注 緣仲觀答大用未竟遠愴薤歌誦昌黎祭

姪之文致為太息

朝廷追錄成績褒贈有加王謝江東仰

家風於弗替敬用為慰祇叩

道安統維

賜答

玉餘尺牘附編卷七終

玉餘尺牘附編

武進莊士敏仲求甫藁

卷八通間

左宮保

宮保爵帥大人尊前湖白

節麾晉涖蘭垣又經一載其間整飭吏事區畫戎
機籌筆斯宵不知若何勞勤而某遠處南服因
名賢已成之轍迹奉循無失得免訾尤顧於西陲
經畧曾不能稍効指臂之助揆之初心能無慙負
爽氣漸高士卒用命肅州踞逆指日即可殲除
曝蕞孽以

秋陽還鏡清砥平之版宇綴一簣於九仞知臣賢
土聖之模規由是入贊

綸屏光輔

帝德則大儒事業名世經綸於此可謂至矣浙中五六月間積久不雨頗有旱象近甘澍時降農事當可補救紹屬新昌之烟山地方因編查保甲紳民相讎致有抗拒官兵之事業經禽斬多名餘黨解散一律具結安堵如舊惟首犯尙在逃未獲亟須設法緝治耳 子重世兄家居知已漸臻元復我

公近日起居何若至用系念某今歲奉

派閱兵計須文武試竣方能出省臧賊全案迄今甫編緝刊成裁官併汎一案因部文往復駁查昨始覆奏亦可見官事之難而

良法之不易成也端肅寸啟恭叩

台安祇賀

秋禱諸希

賜答

總辦西征糧台翰林院侍講學士袁

倭塢尊兄大人閣下秦關遙隔音敬久稽側聽

風猷祇增嚮往伏誦

韜鈴籌筆

黼黻瑠戈軍資齊熊瓦之山

文經武緯

凱奏譜涼州之曲土飽馬騰土載積穀於淮南武鄉屯田於渭上以今方昔

勞勩有加

嘉績酬庸當首屈一指矣忭頌無已弟量符忝領報塞

無聞入夏以來轄量差榷靜謐農事可望豐登

猥以駘材藉無阻越尤幸西陲底定

勝算發蹤惜未獲奏手

戎旃一紀

指麾之畧也專肅奉布敬賀

時釐並請

勛安統維

澄管

兵部侍郎崇

地山宮保大人閣下久耳

勛名未由把袂歲闌

駐節滬上滌泗帶水咫尺

光儀正擬肅緘布誠乃辱

留書見寄獎勉逾分伏誦悚惶敬維

勛福豐隆還

朝奏績

威行異域荷

楓宸三錫以酬庸

信協寰區列梯航萬國而入貢

黃扉晉秩丹簡傾忱弟持節越中慙無建樹東南

瀕海愿聞

柔遠之經中外一家彌企

乘榘之畧專修寸啟祇叩

鴻禧敬請

助安統維

澄譽

副都御史劉

鐫山尊兄大人閣下容秋

星旆涖杭快承

教益周原駢轡維繫未由惜別之私至今耿耿昨

披

華翰至感

注存就謠

秉軸揚清還

朝濟美竹箭萃東南之產

李音曜朗六星

尊彝紀中外之猷

典隆獨座

風猷峻邁企慕為勞弟簡書鞅掌建白未能幸轄

境差稱牧安入春澍雨應時農桑告慶藉堪奉

慰

厘懷耳春闈將啟定見

珍綸載沛

玉尺榮持上為

國家甄拔英賢下為草野網羅遺佚何幸如之肅誠

布敬請

台安統維

澄簪

太僕寺卿朱

敏生仁兄大人閣下郵筒互達

渠範久違叙

奉注之逾恆切心藏於靡既敬維

策勛播美

傑直宣勤

騰輝燭房宿之精書陳罔命

渥采導

奎章之蘊易慎樞機

帝眷彌隆輿忱式慰遙詹

卿請定協茶掄 珂鄉壹是順平入春以來雨陽

時若農桑俱好疎拙藉以稍藏足紓

塵注端肅寸絨復敬請

台安統希

亮簪

彭宮保

宮保雪琴先生侍右自己已歲獲接

光儀忽忽已逾四載

朱霞白鶴迥絕恆谿未敢以無謂之寒暄上涸

尊聽然高山景仰矢之寸心 曾文正遠歸道山

海內震懼鄙意竊謂吾

先生身在江湖心存

魏闕倦倦

君國之意未嘗一日而忘必能疆起視師以慰江上軍

民之望果聞從者首涂有日而

廷寄亦已徑下湘南

一德之符於斯可驗為蒼生頌手者久之月前得 筱

帥書知

軍諮已乘流東指按閩竣事儼仍作西泠之遊天

竺山靈舊曾相識越州父老翹盼

旄麾欣幸交并不勝杖杜道周之慕比想

禱帷多福

軍政修明鋤非種之苗斥害羣之馬謀猷既殫

勸畢昭

朝廷紆宵旰之憂置吏秉斧柯之範欽佩尤無既極也

節麾已抵狼山賁然來儀期之旦夕謹當馳使示

郡規伺

風帆江上交遊定赴枚生之約關門令尹欣逢老

晴之來瞻對非遙敢攄欵曲肅此敬請

勛安

湖廣總督李

筱帥大人閣下郵籤久閱夢藪時繁循

召伯之憩遊景

陶公之勛望伏承

起居曼福

倚界豐隆羊叔子久鍾荆襄羣蠻惕息庾元規澄波江

漢列成驩呼比者秣陵初隕大星天塹嚴防端
賴

上流鎖鑰想

神鈴密運防患未萌湘楚十州涵泳

恩波而不覺也引詹

景曜曷任依馳浙中一春陽雨應時農桑均順海

塘興築亦能次第就工某月前因閱視澧港工

程親歷湖州一帶一切俱稱平善堪以上慰

厘懷肅緘布肌敬請

鈞安百維

賜答

江蘇巡撫何

小宋仁兄大人閣下秣陵星隕天不憖遺叠接江省

來書所言皆不詳備頃坡

惠告備謫

侯相病狀鞠躬盡瘁是勞臣為

國之心

抗疏紀實見蓋棺定論之義

朝廷感念耆德恩禮元勳

盛典飾終竊愿先睹為快計

尊處當已得信矣南服軍民震駭撫輯需賢平陽

之代鄧侯丙吉之繼魏相胥於我

公是賴翹禱曷已端泐奉復敬請

勛安統維

澄答

長江水師提督黃

昌期仁兄大人麾下奉初四日三鼓

寄緘駭謫

侯相薨逝之耗前兩日間傳說而未敢深信茲承
詳示開緘涕零似茲但化順常信為道力凝固之
效惟是大星宵隕軍民震駭幸得

麾下近在同城尚未操江西上想一應機務必已
布置周密善守成規昔卻穀既沒先軫實繼其模
武鄉初亡蔣琬允諧其衆論功校德非

公其莫屬矣端泐奉復敬請

勛安統維

偉管不宣

江蘇巡撫張

子青先生中丞大人閣下前馳賀簡計達

典籤新正五日兩奉

稭函欣謫

榮泣蘇臺

允升吉座

訪靈巖之小築倘遇鍾元尋南皮之勝遊遠過吳

質三吳多福幸庇

使君錯壤鄰封尤為舞頌端泐奉復敬叩

任釐並請

勛安另牋謹悉統維

霽答

前廣巡撫蔣

薊泉仁棗台中丞大人閣下至好際違瞬經五載回

溯曩歲追隨之雅刻不去懷上冬 鑑海老弟

來浙敬詢

起居萬福快慰積忱旋奉

賜緘如親

大教卽擬肅緘布復緣 鑑弟匆匆返里一時未

及附書無任悚歉

執事功成歸隱娛意林泉而威德在人萬眾感誦

越州千里尤當年

百戰再造之區今茲食德飲和何一非

閣下所賜雖復

天懷超曠綠野堂開正恐

堂陸需賢

璽書褒錫仰

牙幢之再建契

心簡於

九重非區區一人之私言也浙中年穀順成公私掬明

安謐而才力短淺時虞隕越何當扁舟歸去話

舊開尊與

閣下把臂入林遂我初服也手肅奉復敬請

台安並頌

禱福統希

愛答不盡欲言

前湖北巡撫曾

宮保沅浦先生爵前六月下旬奉到

賜緘卓識昌言洵足扶翼名教曷勝級佩伏承

起居曼福

蘊抱崇閑薄絲竹於東山追築型於高岫在昔武

鄉鞠旅誓還舊都際國歸田肇開耆社而益州

桑園未繞錦衣浴下橋衡罕銘銅柱我

公勛業成於中歲福祚隆乎昔賢移家會城雍容

嘯詠當道既諮詢宏景游氛亦嚴憚汾陽

景星慶雲所在蒙福矣先師羅忠節公擬請從

祀兩廡翕然公論海內同聲

尊指以湯陸兩賢論功較德尤爲平允精當其竊

以先師道誼事業昭然天壤澤宮俎豆揖讓

何慙顧維直道之公久而論定俟諸百世而不

惑可於今日信之前年謁侯相於保陽諳諳

商榷此舉某離席而對曰從祀兩廡

朝廷之鉅典也道誼事功萬世之通議也

本朝惟湯陸兩公謹按清獻從祀出自

特旨文正薨逝幾及百年然後舉行斯典與其以故舊

門人贊揚休烈似不若留待後世爲之愈足以

彰先師不朽之業侯相意亦相同謂他年

必舉斯典今日不可不存斯議是以數年以來

雖時擬議言思訖未據實入

告茲承

垂詢謹以奉質此天下之事鄉邦之光萬祈

從實啟迪弗吝教益並求便中以末議質諸

霞筠兩先生以為何如手肅復陳敬叩

台安並頌

潭福統維

賜答

前給事中陳

秋門先生侍右溯自成豐甲寅之歲因隨先師羅

忠節進軍州治獲奉

教益彈指幾二十年執掌簿書久疏箋敬

高山仰止矢之寸心日昨披奉

賜緘渥叨

獎勉迴環雜誦且感且慙伏承

禩履鑿宜

康彊逢吉在昔漢陰老父未珥豐貂楚國龔生不

辭安駟吾

先生光

朝振野奄有衆長附諫草於楹書表儀型於志乘

耆英特席提唱宗風洵堪輝映出川矜式閭里矣

某猥以菲材濫膺曷寄自知才力有限祇用職

兢惟有謹守先師訓言冀得免於墮越耳承

示將為先師建立專祠具見

珂鄉敦尚道誼崇德報功之至意尤仰

先生創斯盛舉樂觀厥成曷勝感謝肅泐奉復敬請

頤安並頌

潭福百維

珍攝

布政使銜前雲南按察使李

次青尊兄先生閣下一睽

大教歲紀將周其間

執事視師黔中功成歸隱風節高邁養

親著書而下走羈官西泠事功未逮耿焉內歎未敢修

問於

大賢之門頃間遠辱

手書過叨

飾注媿不敢當昔閱宮之詩美其既平淮夷而推

原於壽母蓋家庭人瑞從古難之自漢以來專

闡大帥罕有能賦南陔白華之什者僅亦釋兵

歸第優游養望而已

執事以述作鳩才削平寇難

朝廷方待以不次而顧辭榮若免介

壽高堂悅親養志之餘彌復道遠卷軸信乎忠臣孝

子義可兩全武達文通誼均一致者可勝敬佩

艷羨之至併事差稱安謐藉以遠慰

塵懷手肅奉復祇叩

侍祺並請

道安統維

澄譽

前甯紹台道史

士翁仁兄大人閣下一別又將兩年每於珂鄉人來

敬詢

起居藉慰積想頃 簾軒方伯交到音問

惠書猥辱

謙冲過甚令人慚汗無已就講

閣潭佳勝

頤養綏和顏晝錦之堂領香山之席

精神矍鑠當復不減曩時前此握手傾譚曾有

結鄰之約每憶斯語使我神移自維鉅任謬膺未

能報塞所冀二三知己不忘夙好示以箴規見

愛如我

公顧拘拘於宦場俗禮開緘讀竟殊抱不安弟暮

春按部東行半月而返

棠陰弗翦悵然有溯洄遠道之思想

治譜手編倦懷同澤當亦念鄙人不置也手肅奉

復即請

時安敬完

搗版萬弗再施並詢

潭福統維

心啓

孝廉堂山長何

子貞先生閣下日前兩奉

賜書敬請

撰杖罄宜百嘉如意蘇玉局乞居陽羨孫徵君嘯
詠夏峯雖春秋已高不廢登臨之興吾

先生文章道德度越昔賢游屐所經海內宗仰不謫
維揚秣陵何時返棹

起居當益康勝敬系無已此間諸稱安帖時未入

伏即已酷熱異常僕計初秋或當涼爽孝廉堂
開課常以七月為期如得暑氣漸消則杖杜道

周盼承

大教行程不遠所愿

信人早駕一慰多士嚮慕之誠不僅湖山生色已
也手肅奉布敬請

道安統希

靄鑒

紫陽書院山長張

子騰仁兄大人閣下前以紫陽講席借重

鑒衡奉幣陳書敬致來歲之約旋承

惠畢感叙

注存就謫

潭社綏和

箸祺邃密廣

棧樸作人之化髦士攸宜

儲棘槐就列之勛

清資存厯暮雲江上勞我懷思弟問學有心育才

寡效年來猥承

不棄許以訓迪藝林從茲士氣蒸蒸藹雲直上皆

出自

大雅所賜也端泐復請

歲安並頌

潭福統維

愛答

江蘇候補道吳

桐雲仁兄大人閣下帶水滌涸末由捧

袂追維昔款祇益調飢昨展

惠書感承

飾注就謔

聲華宏達

勛福罄宜

投柿申浦之濱

列艦昆明之沼事理奧博擔荷艱鉅非常之功必

待非常之人於茲益信

東南疆寄當屈一指矣慰甚頌甚弟浙中十載任

重才疎知我如

公當有以匡其不逮也端泐復請

勛安諸維

愛答

候補知府馬

幼農四兄大人閣下三月中會肅一緘遞荷澤縣署

轉送昨披

惠告似前函尚未達

覽末知能不遺失否殊以為念

端敏公靈旒安抵珂鄉卜吉新阡哀榮畢備弟以道遠

不獲與執紼之役思之悵然吾

兄部署喪儀經營廟貌感

國恩之優渥綜家政之殷繁誦棠棣之三章以為太息

夫錦官古柏未聞校尉之栽玉局豐碑徒賈頌

濱之涕以今方古倘有同情耶

騶從何日南來至殷翹盼浙中入夏後頗慮亢旱

近已連得透雨各屬可望豐收手此布復敬請

時安並叩

泮綏附繳

衣統維

愛答

福建候補同知總辦泉州府釐局李

卓如仁兄大人閣下昨展

携函過承

獎飾開緘三復感歎莫名敬維

畧裕繭絲

才均緡算處盤根錯節之際而

恢恢游及到處有餘

篇什留題更徵服豫政事文學兼之為難

閣下何其餘勇可賈耶佩服之至弟自一行作吏

此調久已不彈偶得短篇亦不足以就正

大雅蓋才力固有所限也浙事壹是如恒春來農
桑都好堪以遠紆

厘注崙泐復請

勛安附壁

大東統維

亮警不宣

江蘇候補同知吳

仲英仁兄大人閣下簿書填委箋敬有稽忽展

撫函猥承

飾序開緘維誦至不敢當敬維

撫序延釐

乘時布範

水衡導澤追博覽於鬪生

秘府披圖審方輿於顧氏三吳沃野千里水利宜洩三

農利害攸關綜覈需才惟

賢者獨為其難矣弟置符忝縮炎序頻更所愿暑

雨無愆怨咨不作

珂鄉之福亦鄙人之幸也崙泐復頌

時釐順請

升安附壁

芳版

署甘肅涇州直隸州邵

漢池仁兄大人閣下昨披

王曾尺牘附錄卷六
瑤翰感叙

注存並獲詳審捷報情形至為忭慰辰維
循猷適駿

楸社敦龐

炳犀照於幾先綠林掃穴

輯鴻啓而善後黔首臚歡

卓越豐功

超遷右職期之轉瞬券以斯言弟忝領越州未能

建白幹才負重致用兢兢比幸西事告康或可

稍紓東南之力

貴屬瘡痍之後撫輯為難

惠政宜民定見日有起色也端勅布復敬頌

勛安並繳

大版

直隸棗強縣方

存之仁兄大人閣下客歲兩奉

撫緘備叨

教益簿書填委裁畚稽時可勝歉仄比想

政成上考

治洽循良馮翊扶風傳為準的畿南黎庶霑

惠澤於靡窮矣引詹

風範趾頌為勞弟持節頻年愧無建樹學問之事

雖講求有志而探索未精塵俗紛來新知益寡

如何如何承

詢三魚堂續刻之本其讀禮質疑及張編年譜俱
已刊就國策去毒一書聞已刊於吳門至靈壽
縣志則可無須亟亟耳
閣下剖符大邑以經術緣飾吏治孫陽久在冀北
造就正未可量也耑泐復頌
升安祗完

大版統維

亮簪

湖北卽用知縣邵

伯棠仁弟大人閣下別後時深馳系昨展

惠畢猥承

藻辭飾注愧不敢當就謔

履候勝常

清名藉甚讀書期於有用從宦不爲人先

恬退雅懷早決循良之治昔高安朱文端儀封張

清恪皆以名進士起家牧令爲時名臣而

珂鄉沈端恪亦初令河南之臨穎前規具在愿

閣下繼武昔賢也會垣壹是如恆兄置節忝持無

所建白惟祝三時豐稔俾越中民氣日見安舒

愿斯慰耳專泐布復卽頌

升安附璧

芳版唯

照不宣

石浦同知秘

宣青仁兄大人閣下昨誦

來函知歲暮

履新壹是安謐至爲忭慰石浦爲內地人民偷渡
南田必由之路稽查防範不可稍疏涓涓不塞
將爲江河萌孽弗伐將尋斧柯幸弗視爲閒曹
而苟安無事必宜振刷精神遇事講求實際俾
兵民咸知感奮營弁亦無所藉口則海疆長可
牧安斯弟之深有望於吾

兄者也端泐復頌

升安附繳

芳版

鎮海縣于

頃展

惠緘猥以部復補官重勞

致謝梯枕初上具微

有志循良慰忭之至濱海衝要爲治較難弟所以

借重

閣下者期在振刷精神實心任事閱歷漸久則敷
布益宏所謂廉靜之吏悃愾無華日計不足月
計有餘竊願與同官共明斯義士人初入仕途
易染塵習淄澠辨其清濁歧路悵其東西漸漬
因循馴致失其本來面目而不自覺至爲可慮
閣下牛刀乍試昭質無虧遠大前程期在不渝初
志幸弗視爲老生常談官場套語也手泐復頌

升安並賀

大喜維

照不宣

瑞安縣羅

兩樵大兄大人閣下展奉

惠函猥以新年相慶並得詳審

區畫之方。佩慰無似。夫吏治之壞壞於文飾。張皇言之。則娓娓動人。按之。則毫無實際。澤不下究。流弊何可勝言。又或抱濟世之心。非不實事求是。而綬符乍縮。遷檄頻來。民瘼既未周知。速效復難預必。以

閣下素行篤寔。久於其任。定能慎終如始。盡洗文

飾之習。俾山陬海澨。詠惠澤於靡窮。此則區區

期望之心。所愿與二三賢牧。令交勉之也。尚泐

復頌

春祺附繳

芳版惟

照不宣

瑞安縣羅

兩樵大兄閣下前以考績之期。臚列

大銜風勵有位。非於意有所偏向也。昨展

來函。乃勞言謝。夫策名上考。不足為榮。但期勉矢

初衷。盡心民事。則視聽不遠。長保令名。昔人有

言一命之士。苟存心於家國。於物必有所濟。况

乎身任百里息息與民相關耶敬肆之分別若

霄壤愿心又深即願不盡具列合當有人

閣下勉益加勉勤求上理俾鄙人亦與有榮施不

勝幸甚手泐奉復即頌德誠向此相與

升安唯閣下前以奉復之照錄以

照不宣

玉餘尺牘附編卷八終

